



LINDÅS KOMMUNE

# Kommunedelplan for skule 2014 - 2018

## Framlegg til planprogram



## **INNHOLD**

<b>1.</b>	<b>BAKGRUNN FOR PLANARBEIDET .....</b>	<b>3</b>
<b>2.</b>	<b>FØREMÅL .....</b>	<b>4</b>
<b>3.</b>	<b>FØRINGAR FOR PLANARBEIDET .....</b>	<b>5</b>
<b>4.</b>	<b>MÅL .....</b>	<b>5</b>
<b>5.</b>	<b>TEMA OG AVGRENSING AV INNHOLD .....</b>	<b>5</b>
<b>6.</b>	<b>PLANPROSESS OG MEDVERKNAD.....</b>	<b>6</b>
<b>7.</b>	<b>FRAMDRIFT .....</b>	<b>7</b>

# 1. Bakgrunn for planarbeidet

Bakgrunn for dette planarbeidet er to politiske vedtak, eit i kommunestyret 21.mars 2013 om rullering av kommunedelplan skule og eit frå formannsskapet 9.januar 2014 om endeleg mandat og prosess for omstillingsprogrammet. Dei to vedtaka ligg til grunn for vidare arbeid med kommunedelplan for skule i Lindås.

## KO 23/13 *Kommunedelplan skule – rullering 2012-2013*

1. *Mål for opplæringa og kvalitative skildringar ved opplæringa, jf. Kommunedelplan skule 2010-2020 s 3-49 vert vedteke i samband med denne rulleringa.*
2. *Arbeidet med rehabilitering av Alversund skule skal prioriterast.*
3. *Planlegging og bygging av ny barneskule i Knarvik må startast opp snarast. Jf. kommunestyrevedtak 112/10.*
4. *Feste skule vert lagt ned og elevane vert overført til Seim skule frå og med skuleåret 2013/2014. Rådmannen vil arbeida vidare med skuleskyss til dei elevane som får lang skuleveg. Noverande krinsgrenser vert overført til Seim skule. (Rådmannen sitt framlegg).*
5. *Eikanger og Kløvheim skular vert vidareført inntil vidare.
  - a. *På Eikanger skule vil ny leigd paviljong stå klar frå hausten 2013. Det må vurderast om leigeavtalen skal utvidast eller om paviljongen skal kjøpast.*
  - b. *Administrasjonen greier ut ny felles skule for Eikanger og Kløvheim.*
  - c. *Noverandeopptaksområde/krinsgrenser vert uendra inntil ny skule står klar.**
6. *Skodvin skule vert lagt ned. Alle elevane vert overført til Lindås barneskule når arbeid med byggetrinn 3 er ferdigstilt. Noverande krinsgrenser vert overført til Lindås barneskule skuleåret 2014/2015.*
7. *Krinsgrensene for ungdomstrinnet vert endra frå august 2013 ved at elevane frå Leiknes skule vert overført frå Knarvik ungdomsskulekrins til Ostereidet ungdomsskulekrins. Dette vert gjennomført som ei trinnvis overføring av elevane på 8. trinn fråskuleåret 2013-14.
  - a. *Knarvik ungdomsskule har frå og med skuleåret 2013-14 som opptaksområde Alversund, Festo, Knarvik og Seim barneskulekrinsar. Ostereidet ungdomsskule har frå same skuleår som opptaksområde Ostereidet, Leiknes, Eikanger og Kløvheim barneskulekrinsar.**
8. *Byggetrinn 3 ved Lindås barneskule vert å starta opp snarast, slik at utbygginga og rehabiliteringa vert fullført seinast hausten 2014.*
9. *Konsekvensar av eventuelle endringar i skulestruktur må synleggjerast i revidert budsjett våren 2013.*
10. *Kommunestyret er positive til eit mangfold i skulen i kommunen og ynskjer å leggje til rette for og støtte opp om etablering av fleire privatskular i kommunen.*

## FO 3/14 *Endeleg mandat og prosess for omstillingsprogrammet vedtatt i kommunestyre 19.12.2013*

*Kommunen skal i økonomiperioden 2014-2017 gjennomføra eit omstillings- og utviklingsprogram som omfattar heile den kommunale drifta, med sikte på å redusera driftskostnadene til eit langsiktig berekraftig nivå.*

*Målet for programmet er:*

- *å redusera driftskostnadene slik det framgår av økonomiplanen*
- *å utvikla kommuneorganisasjonen slik at den står rusta til å møta utfordringane frem mot 2025*

*Programmet skal vera eit forpliktande fellesprosjekt mellom politikk og administrasjon / tilsette og skal mellom anna sjå på endringar og tiltak innanfor:*

- *organisering*
- *tenestestruktur*
- *tenestenivå*
- *vurdering av konkurranseutsetting av tenester*

*Når det gjeld strukturelle tiltak og eventuell konkurranseutsetting skal aktuelle endringar handsamast gjennom gode prosessar, med utgangspunkt i vedtekne retningslinjer:*

*Rådmannen får fullmakt til å planleggja, koordinera og gjennomføra programmet, i samsvar med:*

- *prosess, organisering og tidsplan som framgår av saksutgreiing, der endeleg program skal ligga føre innan 1.11.2014*
- *politiske føringar i planfasen*
- *politiske vedtak i samband med handsaming av endeleg program og økonomiplan i desember 2014*
- *oppdatering av program og økonomiplan påfølgjande år*

*Pågåande kostnadsutviklingsprogram for pleie og omsorg skal integrerast i omstillingsprogrammet på eit høveleg tidspunkt.*

*Formannskapet skal vera referansegruppe for programmet. Dette inneber mellom anna å vera ein aktiv samarbeidspart i planfasen, spesielt når ein kjem til drøfting av aktuelle tiltak.*

*Omstillingsprogrammet skal vera fast post på agendaen til alle ordinære formannskapsmøte i 2014 og gje innstilling til kommunestyret når det gjeld endeleg program og seinare oppdateringar.*

Lindås kommune skal ha ei berekraftig utvikling når det gjeld drift og investering. Om kommunen i framtida skal vere rusta til å møte dei utfordringane som kjem, må viktige val gjerast. I omstillingsprogrammet slik det vart vedteke 9.januar ligg det ei målsetting om å redusera driftskostnadene i kommunen. Dette kan møtast gjennom ein generell reduksjon på tenestenivå eller endringar i organisering og struktur. Lindås har ein desentralisert og kostnadskrevjande skulestruktur. Endringar i skulestrukturen kan føre til at ein slepp dei største nedskjeringane i timetildelinga til styrking, deling, spesialundervisning og særskild språkopplæring. Rådmannen ynskjer ei drøfting av skulestruktur i lys av dette perspektivet.

## 2. Føremål

- Kommunedelplanen er eit politisk dokument og styringsverktøy for å oppnå dei måla kommunen har på området. Tidlegare vedtekne kommunedelplanar for grunnskulen i Lindås vedtekne 10.juni 2010 og rullering av denne med vedtak 21.03.2014 ligg til grunn for arbeidet med denne kommunedelplanen. Kommunedelplanen er eit verktøy for både dagleg og langsiktig arbeid og skal vere konkret arbeidsverktøy for politisk handsaming av saker som vedkjem grunnskulesektoren.
- Planen skal ha ei god forankring gjennom brei medverknad både frå innbyggjarar, brukarar, tilsette og interesseorganisasjonar.

### **3. Føringar for planarbeidet**

- a. Statlege føringar
  - Lovverk
    - i. Barnekonvensjonen
    - ii. Opplæringslova
    - iii. Lov om planlegging og byggesaksbehandling (plan- og bygningslova)
- b. Kommunale føringar
  - Kommuneplan 2011-2023 vedteken 22.september 2011
  - Bustadbyggjeprogram 2013-2016 - Revidert i samsvar med kommunestyrevedtak 20.juni 2013
  - Kommunestyrevedtak 21.03.2013
  - Vedtak i formannskapet 09.01.2014

### **4. Mål**

- a. Overordna mål for grunnskulen i Lindås
  - Lindås-skulen skal utdanna kunnskapsrike og skapande samfunnsborgarar med fellesskapsansvar og like moglegheiter til sjølvrealisering
- b. Mål for kommunedelplanen
  - Planen skal ha eit langsiktig perspektiv og medverka til å sikra
    - i. ein berekraftig kommuneøkonomi
    - ii. eit likeverdig skuletilbod til alle elevane i kommunen
    - iii. ein stabil skulestruktur over tid

### **5. Tema og avgrensing av innhold**

- a. Innhaldet i denne planen skal vere avgrensa til å gjelde skulestruktur knytt til Lindås- og Ostereidet ungdomsskulekrinsar
- b. Tema som vert handsama
  1. Folketalsprognose og elevtalsutvikling
  2. Synleggjering av investeringsbehov ved strukturendringar
  3. Framlegg til alternative løysingar av framtidig struktur
    - i. Ulike løysingar
    - ii. Kostnadsvurdering
    - iii. Konsekvensvurdering

## 6. Planprosess og medverknad

### 1. Organisering

- |                                  |  |
|----------------------------------|--|
| a. Politisk styringsgruppe:      | Levekårsutvalet  |
| b. Administrativ styringsgruppe: | Rådmannsgruppa   |
| c. Prosjektansvarleg:            | Kommunalsjef for oppvekst  |
| d. Prosjektleiar:                | Fagsjef for grunnskule   |
| e. Prosjektgruppe:               | Fagsjef for grunnskule, einingsleiarar for<br>Ostereidet og Lindås ungdomsskulekrinsar og<br>hovudtillitsvalde |
| f. Referansegruppe:              | Rektorar, tilsette representerte ved tillitsvalde,<br>elevråd, ungdomsråd og foreldreutval                     |

### 2. Medverknad

Det skal vere stor grad av medverknad frå ulike grupper som har interessa av  
planarbeidet i planprosessen

- Skulane sine rådsorgan skal få informasjon og ha moglegheit til å kome med innspel  
underveis i prosessen
- Innbyggjarane i dei to ungdomsskulekrinsane skal sikrast informasjon og  
medverknad gjennom folkemøte i dei aktuelle ungdomsskulekrinsane
- Deltakarane i prosjektgruppa må bruke referansegruppa aktivt underveis

### 3. Høyring

Høyringsdokument vert sendt ut til alle skulane, lagt ut på Lindås kommune si heimeside  
og i ekspedisjonen på Rådhuset – 6 vekers høyringsfrist

## 7. Framdrift

Framdriftsplan for utarbeiding av planprogram og kommunedelplan

Aktivitet	Haust 2014	Vår 2015
Framlegg til planprogram – rådmannen si innstilling	2.september	
Framlegg til planprogram - politisk handsaming	2./18.september	
Offentleg kunngjering	19.september	
Frist for merknadar og innspel til planprogrammet	31.oktober	
Planprogram – rådmannen si innstilling	7.november	
Vedtak av planprogram – politisk handsaming	27.november	
Utforming av framlegg til kommunedelplan	Desember	Jan. og febr.
Framlegg til kommunedelplan – rådmannen si innstilling		.....mars
Framlegg til kommunedelplan – politisk handsaming		.....mars
Høyring av «Framlegg til kommunedelplan»		Mars og april
Kommunedelplan – rådmannen si innstilling		.....mai
Vedtak av kommunedelplan – politisk handsaming		.....mai

Endeleg dato i plan for vår 2015 vert lagt inn når politisk møteplan 2015 er vedteken.